

Bo, Bo, Boling!

hasil karya
Suzanah Yahaya



Prakata oleh Pengerusi MLLPC



Profesor Madya Dr. Muhammad Faishal Ibrahim

*Setiausaha Parlimen Kanan
Kementerian Pendidikan dan Kementerian Pembangunan
Sosial dan Keluarga
Pengerusi, Jawatankuasa Pembelajaran dan
Penggalakan Penggunaan Bahasa Melayu (MLLPC)*

'Pelajar Aktif, Pengguna Cekap' merupakan matlamat pembelajaran Bahasa Ibunda di Singapura. Murid-murid haruslah dibekalkan dengan bahan bacaan yang kreatif untuk mendorong minat mereka terhadap pembelajaran Bahasa Ibunda. Lebih banyak bahan bacaan yang dapat mereka akses, lebih baik natijahnya.

Siri Nabil dan Nabilah telah diilhamkan pada tahun 2015 untuk murid-murid sekolah rendah khususnya bagi Darjah 1 dan 2 dengan tujuan untuk menambah jumlah bahan bacaan tempatan bahasa Melayu. Buku-buku yang dihasilkan oleh guru-guru Bahasa Melayu Singapura ini telah mendapat sambutan baik daripada kanak-kanak, ibu bapa dan juga para pendidik.

Lanjutan daripada maklum balas tersebut, Siri Nabil dan Nabilah diteruskan untuk murid-murid Darjah 3 dan 4 pula. Terdapat pembaharuan yang telah dilakukan terutama sekali aspek jalan cerita dan penampilan watak-watak dalam siri tersebut agar dapat memenuhi cita rasa para pembaca yang berusia antara sembilan hingga sepuluh tahun. Selain itu, aktiviti-aktiviti susulan setelah membaca disediakan untuk membolehkan ibu bapa dan ahli keluarga terlibat sama. Aktiviti membaca bersama-sama keluarga dapat memupuk sikap-sikap positif dan berpotensi menanamkan nilai-nilai yang baik.

Guru merupakan golongan yang dekat dengan murid. Mereka mengenali minat dan cita rasa murid. Oleh hal yang demikian, setiap sumbangan guru dalam penghasilan siri buku bacaan ini amat dihargai. Kepada guru-guru yang telah menyumbang dalam penulisan buku cerita ini, saya mengucapkan syabas dan ribuan terima kasih.

Besar harapan saya agar usaha ini dapat diteruskan dan lebih banyak karya dapat dihasilkan demi kemajuan dan pembangunan intelek anak-anak kita. Semoga mereka bakal menjadi pengguna bahasa ibunda yang cekap dan yakin serta berbangga akan bahasa dan budaya Melayu.

*Burung punai di pucuk rebung,
Anak kedidi terbang berempat;
Bahasa disanjung budaya dijunjung,
Majulah seni bangsa berdaulat.*

PENGHARGAAN

Para Penulis Buku Darjah 4

Salina Hussin

Suzannah Yahaya

Suriani Sokran

Md Hizammuddin Md Yusof

Juraida Miswari

Suzannah Miswari

Nurhidaya Mohd Sidik

Suhainis Samsi

Sarifah Hassan

Nur Syazwani Shaibani

Mulianya Hatimu

Bo, Bo, Boling!

Terima Kasih

Planet Ceper

Salam Sayang

Pasar Malam

Pulau Semakau

Kota Singa

Di Manakah Ayah?

Cinta T

Pengurusan Pembinaan Buku

Penasihat Projek

Editor

Sekretariat MLLPC

Zafilin Abdul Hamid

Zainaba Omar

Siti Fazila Ahmad

Murshidah Hassan

Nasrudin Raja Sulaiman

Nur Fa'izah Matnoor

Nur Sifa Hussin

Mislimah Misti

Bo, Bo, Boling!

hasil karya
Suzanah Yahaya



Nabil dan Nabilah gemar bermain boling. Setiap hari Sabtu, mereka bermain boling bersama-sama ibu dan ayah mereka. Nabil dan Nabilah mengambil kesempatan tersebut untuk berlatih dengan gigih kerana mereka ingin menyertai Kelab Boling di sekolah mereka.

Wah! Sungguh cekap Nabil dan Nabilah bermain boling!

Saya setuju, Abang.

Nabil mahu menyertai Kelab Boling. Mari kita sertai bersama-sama, Nabilah!

Boling!

Ibu dan Ayah gembira kerana Nabil dan Nabilah sangat minat akan sukan boling. Mereka tidak jemu memberi sokongan kepada Nabil dan Nabilah.



Nabil dan Nabilah berjaya memasuki Kelab Boling. Encik Sivakumar, jurulatih Kelab Boling kagum akan kebolehan Nabil dan Nabilah.

Mereka berdua memang berbakat. Walaupun tidak semahir pemain lain, mereka tidak mudah berputus asa.



Nabil dan Nabilah menjadi antara pemain boling yang terbaik dalam kelab tersebut. Mereka telah mengalahkan murid-murid yang lebih dewasa.

Hanya setelah enam bulan berlatih, mereka menjadi pasangan yang terhandal di peringkat zon. Mereka berjaya mengharumkan nama sekolah mereka.



Boling!

Nabil dan Nabilah, saya ada berita baik. Kamu berdua telah dipilih untuk mewakili sekolah bagi pertandingan nasional nanti. Fokus dan berikan yang terbaik, ya!

Hore! Hore! Terima kasih kerana memberikan kami peluang ini, Encik Sivakumar.



Pada hari pertandingan ...




Saat yang dinanti-nantikan sudah tiba. Nabil dan Nabilah berada di gelanggang boling. Pertandingan sudah bermula. Kini, giliran Nabil untuk melontar bola bolingnya. Nabil menutup matanya dan mengambil nafas yang panjang untuk meredakan degupan jantungnya.


Kata-kata motivasi Encik Sivakumar, Ibu, Ayah, Nabilah dan kawan-kawan baiknya masih lagi terngiang-ngiang di telinganya.


Ini peluang terakhir untuk kumpulannya memenangi pertandingan boling peringkat nasional. Nabil mula berasa tertekan. Dia perlu menjatuhkan sekurang-kurangnya sembilan pin boling untuk memenangi pertandingan ini.

Boling!



Dengan penuh fokus dia mula melangkah. Tiba-tiba ...





Mujur awak tidak apa-apa, Nabil.

Nabil, awak cedera? Mari kami tolong awak.


Malang memang tidak berbau. Nabil hampa. Dia tidak berjaya menjatuhkan semua pin boling pada percubaannya yang pertama.



Nabil cuba menenangkan dirinya. Perlawanan belum berakhir. Dia masih mempunyai harapan. Dia mesti yakin!

Dengan tabah, dia melontarkan bola bolingnya.

Boling!




Boling!

Bola bolingnya tidak menepati sasaran. Nabil menundukkan kepalanya, hampa. Dia terus terduduk di lantai. Dia kecewa.



Tepukan gemuruh daripada penonton memecahkan kesunyian. Nabil bingung dan terperanjat. Dia mengulum senyuman ketika melihat semua penonton berdiri sambil bertepuk tangan.





Syabas, Nabil! Saya bangga akan semangat kamu! Kamu telah mencuba sebaik mungkin.

Terima kasih, Encik Sivakumar!

Pasukan Nabil dan Nabilah tidak berjaya memenangi pertandingan tersebut. Namun, ahli pasukan mereka menunjukkan sifat kesukanan yang baik.



Ibu dan Ayah memeluk Nabil dan Nabilah dengan erat. Terpancar kebanggaan yang tidak terhingga di mata mereka. Ibu dan Ayah akan selalu menyokong minat Nabil dan Nabilah bermain boling. Semoga suatu hari, keinginan Nabil dan Nabilah untuk menjadi pemain boling yang terhandal akan tercapai.

★TAHNIAH!★

Boling!






Bak kata pepatah orang Melayu, jika tidak dipecahkan ruyung, manakah dapat sagunya.

Glosari

Perkataan	Maksud
gigih (hlm. 2)	bersungguh-sungguh
berbakat (hlm. 4)	ada kebolehan semula jadi
terhandal (hlm. 5)	paling hebat
peluang (hlm. 8)	kesempatan
hampa (hlm. 13)	kecewa
gemuruh (hlm. 14)	kuat






Aktiviti Bersama Keluarga

Nama Aktiviti: Kad Motivasi

Tulis kad untuk memberikan kata-kata semangat kepada seorang teman yang akan menghadapi ujian, peperiksaan atau sebarang pertandingan sekolah.







© 2018 Kementerian Pendidikan Singapura

Hak cipta terpelihara. Tidak dibenarkan mengeluarkan ulang, menyimpan atau menerbitkan semula mana-mana bahagian isi kandungan buku ini dalam apa jua bentuk sama ada secara elektronik, fotokopi, rakaman atau cara lain sebelum mendapat izin bertulis daripada pemilik hak cipta buku ini.

Diterbitkan oleh



Ministry of Education
SINGAPORE



Malay Language Learning
and Promotion Committee

**Kementerian Pendidikan Singapura
dan
Jawatankuasa Pembelajaran dan Penggalakan
Penggunaan Bahasa Melayu**

Illustration and Design by Thoughts Creations
Email: sales@thoughts.com.sg

First published 2018

All rights reserved. No part of this publication may be produced, stored in a retrieval system or transmitted, in any form or by any means, electronic, mechanical, photocopying, recording or otherwise, without prior permission of the copyright owner.

BO, BO, BOLING!
ISBN 978-981-11-6410-1

Printed in Singapore

